

今水經注要覽

上卷

地710.9

823-1

部=103

大庾戴蓮士先生鑒定

今水經注要覽

春暉閣袖珍藏板

水之為物也流行無滯自古及今不能無轉徙異同之辨桑經鄙注往有按之今而不盡合者水道有遷流郡縣有沿革也故信古而不能無泥古之見存今而無以為証今之據則兩失之然有變而不離其宗者南條北條之大綱也由

序

散而合溯源及流攷之於古驗之於今要不可以穿鑿附會之見存之黃子鞠莊自幼隨其尊人兩峰遊學四方經歷之地山水源流一一經指授鞠莊皆謹識之而復檢今水經輿圖山海經及水道提綱諸書以時添註迨後歷遊燕豫吳楚粵蜀所

見益廣徵信益確輯成今水經注
要覽一書凡水之源委分合經流
入海之處條分縷析約而不繁在
鞠莊固是留心學問之一端而未
始非桑經廊注之一助也閱竟書其
簡端而歸之

嘉慶二年歲次丁巳孟春月嘉善

序

錢樾拜手



齡自束髮受書 家大人卽命習尙書一經因
熟讀禹貢欲探源流叅以今水經不盡合也稍
長歷遊大江南北承當世名公鉅儒一一指示
始知信古而不泥於古方能洞悉遷徙分合之
由而彙經酈注浩如烟海水道提綱諸書亦頗
繁襍是以忘其固陋輯成水經要覽一書凡三
冊未敢付諸剞劂偶來南粵呈 學使戴蓮士

自序

先生許可付梓勉 齡 再加考核徧求通儒詳勘
後謁 錢撫棠先生遂爲叙次雖以 齡 之不敏
幸就正有道得所折衷且 齡 粗識一二水道大
端皆本庭訓用以志淵源有自庶乎小補未敢
云信今而傳後也

嘉慶二年孟春月中澣松圃黃錫齡自識

今水經注要覽目錄

上冊河入海

忽蘭水入河

亦八思河入河

納隣哈刺河入河

乞里出河入河

鵬梭河入河

目錄

邈水入河

鳳林河入河

浩疊河入河
湟水入浩疊河

洮水入河

金水入河

吃那河入河
奢延水入吃那河

延水入河

汾入河

渭入河 漳沂涇沮入渭 馬蓮河入涇

漆入沮

洛入河 澗灑伊入洛

濟入河 汶入濟

沁入河

汴入河 須鄭入汴 京入鄭 索入京

目錄

二

遼入海

鴨綠江入海

混同江入海

松花江入混同江 黑龍江入松花江

膠入海

濰入海

丹入海

淄入海

灤入海 漆入灤

白入海 黃花鎮川河入白

衛入海 淇漳汶濬桑入衛 清入淇

沙易入濬 温洋入桑

淮入海 汝潁淝渦濠池泗邗沐入淮

漁入汝 洧入潁 汴沂濰入泗

目錄

中冊江入海

皂江入江

大渡河入江 洙水入大渡河

金沙江入江 大姚江打冲河瀘水滇池牛

欄江馬湖泉江入金沙江

永寧江入江

資江入江

南江入江

嘉陵江入江 巴涪江入嘉陵江

烏江入江 翁首河南明河湘江龍底江思

印江河由江入烏江

開江入江

清江入江

沮江入江

目錄

漳江入江

漢江入江 均水清水夷水白水澗水入漢

洞庭湖水入江 湘入湖 洮灌盧洪江永

瀟祈春陵水蒸郴攸漉漣涓瀏瀉汨入湘

澧入湖 都梁水入澧

沅入湖 處洞河清江錦江洪江淑酉辰

入沅

豐入湖 漉漉涿澹蘭江入豐

沔入江

灑河入江

陸水入江

龍開河入江

下冊江湖入海

彭蠡湖水入江

目錄

五

贛入湖 貢水章水雲亭江早禾江吉水

袁水豐水蜀江奉新江入贛 廉水寧

都水雩都水與國水信豐水入貢

猶水入章

盱入湖 飛猿水宜黃水崇仁水入盱

鄱江入湖 洎水建節水德興大溪入鄱

上饒江入湖 永平溪玉溪儲溪朱溪白

塔河入上饒江

修水入湖

皖水入江

池河入江

大通河入江

荻港入江

漳淮入江

青弋江入江

巢湖入江
肥水桃溪入湖

秦淮入江

滁河入江
襄水清流
水入滁

北運河入江

南運河入江

太湖入海

茗溪荆溪入湖

浙入海

軒駐溪壽昌溪東陽水桐江浦陽江錢青江

曹娥江入浙

姚江入海

靈江入海

永寧江入海

目錄

七

永嘉江入海

安陽江入海

連江入海

建水入海

東溪西溪南浦溪松溪樵溪海溪沙溪尤溪

入建水

洛陽江入海

晉江入海

漳江入海

汀水入海

廣江入海

右江會左江為廣江

福祿江融水洛青江牂牁江入右江

白石江瀟湘江龍江西江水八尺江清江武

流江秋風江東班江寶江入左江

目錄

八

明江崇善水馱排江歸安水入龍江

烏江白馬江繡江入廣江

灘江入廣江

陽江銀江相思江荔江入灘江

陸川東安水瀧水新江綏江入廣江

滇水入廣江

杜安水陵江水朔水會滇水黎溪武水翁

溪澧水入滇水

龍川入廣江

西江增江入龍川

漠陽江入海

鑑江入海

廉江入海

欽江入海 瓊海潮候

元江入海

瀾滄江入海

樣備江入瀾滄江 西洱海入樣備江

大盈江入海

麓川江潞江入大盈江

今水經注要覽

上卷

大庾戴蓮士先生鑒定

南城黃錫齡松圃著

北水

河水 源出吐蕃朶甘思之南曰星宿海四山之間有泉百餘泓湧出匯而爲澤方七八十里登高望之若列星故名火墩腦兒

譯言星宿

其地在

上卷

中國西南直四川馬湖府之正西三千餘里雲南麗江府之西北一千五百里較之崑崙殆爲近焉東北流百餘里匯爲大澤又東流號赤賓河又東忽蘭水合乞里出河來入之其流寔大始名黃河又東北流分爲九派復合爲一水始渾濁又東行二十日至大雪山名騰乞里塔卽崑崙也繞崑崙之南折而東亦八思河入之又



折而北納鄰哈刺河入之

馬湖府今爲雷坡衛

哈刺河出西番白狗嶺北西北流五百餘里

入河

又折而西乞里出河入之又西鵬梭河入之

鵬梭河出西番鵬梭山西流七百餘里入河

復繞崑崙之北又轉而東北過大通城又東北
邈水西來入之

上卷

二

邈水出西寧州宿軍谷東流五百里入河

河水又東北至陝西河州城北八十里積石山

河水自雪山至積石山行約二十餘日河水又

東北過西寧衛南鳳林河從南來入之河水又

東過河州北湟水合浩疊河

音閣門

從北來入之

浩疊河自甘州經山丹永昌涼州至河州北

會湟水入于河湟水源自西番經西寧州南

過河州北入浩疊河

河水又東至莊浪界洮水入焉

洮水源出臨洮府城西南一百五十里西傾
山東北流經臨洮府西南西流會河州水北
入于河

河水又東過蘭州經靖逆衛北五里金水注之
過寧夏府城東南四十里至府境東北出塞外

上卷

三

經沙漠三受降城折而南西入山西境由東勝
州歷廢武州西北二百五十里過延安府綏德
州境東吃那河合奢延水自河套北來入之

吃那河自宥州東南流至夏州奢延水西來
入之又東流逕銀州入綏德州境東南流入
于河

河水又南流逕延川縣東延水注之

延水源出延安府安塞縣西北廬關嶺東南
流入膚施縣境逕延長縣入于河

河水又南逕石州寧鄉西入平陽府境逕石樓

永和太寧縣吉州出龍門口

龍門山在河津縣西北三十里過

河津縣西汾水入焉河水又南過榮河縣西逕

邵陽城東至朝邑縣洛水西來入之

○石州今永寧州

洛水源自慶陽府界東南流逕鄜州同官過

上卷

四

朝邑縣南東入于河

又南過蒲州城西

自河源至此凡九千餘里

涑水西流入之

涑水源出絳縣爲絳水逕聞喜夏縣安邑猗

氏臨晉至蒲州入于黃河

至華陰潼關渭水從西來注之河水又東逕芮

城南過闕鄉縣北又東過陝州北逕平陸縣南

流五十里至底柱又東逕孟縣南又逕洛陽北

洛水從南來注之河水又東逕鞏縣北温縣南
過汜水北濟水從北來注之河水又東過滎陽
縣北至武涉縣東沁水從北來注之河水又東
過中牟縣北沐水入焉河水逕開封府至兗州
府曹縣界分爲二派其一東北流過濮州境東
南六十里同北清河一名會通河會衛以入海其一
東南流至徐州同南清河一名泗由淮以入海

上卷

五

黃河舊在開封府城北四十里東至虞城下
達山東濟寧州界洪武二十四年河決原武
縣黑陽山下東逕府城北五里又東南至項
城縣出境入淮而故道遂淤永樂八年復疏
入故道自是河分爲二正統十三年又決滎
陽縣東逕開封府城西南自是汴城在河之
北矣又東南逕陳留自亳入渦口又逕蒙城

至懷遠北而入于淮焉

汾河 源出太原府西北靜樂縣北一百四十里管涔山逕府城西二里西南流歷清源交城文水祁縣至平遙介休過汾州城東二十五里南入平陽府境逕靈石趙城洪洞臨汾之西歷襄陵太平之東南過絳州稷山河津北過滎河西注于河

上卷

六

渭河 源出臨洮府渭源縣西二十五里南谷山至鳥鼠山下轉而東流逕渭源縣北二里過鞏昌府城北五里東流漳水從西注焉

漳水源發漳縣西木寨坡西北會西傾山水西南會木匣谷水經縣南二里東入于渭

渭水東流至清水縣清水西來注之渭水東流逕鳳翔府寶雞縣治南又東汧水北來入之

汧水源出隴州西四十里岍山南流逕汧陽縣寶鷄縣東入于渭

渭水東逕岐山扶風二縣入西安府界歷盤屋與平咸陽逕府城北五十里又東涇水會焉渭水又東過渭南縣北至華陰界沮水北來注之

沮水來自延安府宜君縣至耀州富平縣合漆河漆河源出扶風古漆縣西北逕同官縣

上卷

七

至耀州南同沮水沮水至同州朝邑縣東南入于渭

渭水又東入于河

涇水源出平涼府界岍頭山逕涇州又東南至邠州北界馬蓮河從北來注之

馬蓮河有二源一名東河來自沙漠至慶陽府城合懷安川及靈溝水南流與西河會一

名西河源出環縣北七十里爲環江流逕縣城西南入安化縣界逕慶陽府城西名西河合陽集澗水谷溝下馬汀諸水由西轉南會于東河至合水縣西南四十里爲馬蓮河南流入真寧縣界會九龍川南入涇水

涇水又東南過醴泉之東涇陽之西至高陵縣界入于渭

上卷

八

洛水 源出陝西商縣西北一百二十里謹舉山東流逕雒南縣北五里爲洛河又東流入河南盧氏縣歷永寧宜陽又東過洛陽縣南澗水從北來注之

商縣今爲州

澗水源出澠池縣東北二十三里白石山東流逕新安洛陽東南入于洛

洛水又東灑水從北來注之

澗水源出洛陽縣西北五十里谷城山東流

入于洛

洛水又東至偃師縣伊水從西來注之

伊水源出盧氏縣東南一百六十里悶頓嶺

東流逕嵩縣洛陽至偃師界入于洛

洛水又東過偃師縣南又東北過鞏縣東又北
入于河

上卷

九

濟瀆 源發河南懷慶府濟源縣西八十里王
屋山下曰沅水既見而伏復出于濟源縣西北
三里東流爲濟有二源東源周圍七百步其深
莫測西源周圍六百八十五步其深一丈兩源
合流至溫縣南入于黃河合流又東過城皋縣
北又東滎陽縣北濟水性下且勁過黃河之南
溢而爲滎往來若斷若續或伏或見濟水又東

過原武縣又東北流過陽武縣北又東逕封邱縣北爲北濟過封邱縣之南爲南濟北濟又東逕開州又東北過壽張縣西界安民亭南汶水從東北來注之濟水又東北流逕東阿縣界又東北入濟南府界逕長濟齊河歷城濟陽齊東武定青城濱州蒲臺利津諸州縣界入于海南濟又東過曹州境又東過定陶縣南又東過金

鄉魚臺縣南東入于泗由徐邳達淮以入于海汶水其源有三一發濟南府城南七十里太山之旁仙臺嶺一發萊蕪縣東五十里原山之陽淄水出原山之陰一發萊蕪縣寨子村至泰安府靜封鎮合焉名曰塹汶西南流與泰安府東南四十里徂徠山陽之小汶河合又西南流入兗州府境逕寧陽平陰汶上縣界又西至東平州界

注于大清河大清河卽濟河之故道蓋濟水伏流不見故惟汶水由濟以入于海

沁河 源出山西沁州沁源縣北一百里綿山東各南流入平陽府岳陽縣界東流至澤州府沁水縣城東五十里南流穿太行達濟源過河南懷慶府城北二里逕武陟入于河

汴河 源出滎陽縣大周山合京索須鄭四水

上卷

十一

須水源出滎陽縣方山北流入于汴索水源

出滎陽小徑山北流入京水京水源出嵩渚

山逕鄭州西南十五里東北入鄭水鄭水源

出鄭州城東二十五里東北至中牟縣下入

于汴

東南至中牟縣北入于黃河

汴河舊自滎陽縣東逕開封府城內又東合

蔡河名萇若渠東注泗州至徐州城北入于河後因河決蔡河湮沒而汴自中牟入河矣
遼水 源出塞外自三萬衛西北入境南流大清河合小清河入焉

大清河源出三萬衛東北分水嶺南流逕城東南十五里合小濟河入遼小清河源出蓋州衛分水嶺西南流逕城南又西流合泥河

上卷

十一

遼水又南流逕鐵嶺瀋陽都司之西境廣寧之東境珠子河從西北來注之

珠子河源出廣寧衛東北一百里白雲山南流入于遼河

渾河合太子河從東北來注之

渾河一名小遼水源出塞外西南流至瀋陽衛合沙河又西南流至都司城西北入于太

子河太子河一名大梁水源出幹羅山西流
五百里至都司城東北五里折而西南流至
渾河合爲小口入于遼河

又南至海州衛三岔關入于海

約行一千三百
五十里

鴨綠江 源出靺鞨之長白山其山去金故會
寧府南六十里其顛有潭周八十里北流爲混
同江東流爲阿也舌河南流爲鴨綠江去三萬

上卷

三

衛東北十餘里西南流逕遼東都司城東五百
六十里大蟲江入焉

大蟲江源出龍鳳山南流入于鴨綠江

又西南至安市入海

混同江 源出長白山北流逕金會寧府過五

國城又北合松花江東入于海

松花江 源出長白山北流逕金故南京城合

黑龍江

黑龍江源出北山卽黑水靺鞨之舊居南流約二千餘里入于松花江

至海西入于混同江

大凌河 源出大寧自義州衛西六十里入境南流逕廣寧左右屯衛界入海

小凌河 源出大寧自廣寧左屯衛西入境合

上卷

十四

女兒河 吟刺河南流入海

膠水 源發膠州西北一百二十里鐵櫛山北過密州五弩山鹵水入焉又北過高密縣注瀆澤與張奴水合由澤北入新河逕平度州昌邑縣界入海

濰水 源出莒州西北九十里箕屋山自密州諸城縣界流入高密縣境逕昌邑縣濰縣界東

北入海

丹河 有二東丹河源出昌樂縣東南二十里方山西丹河源出臨朐縣丹山二水皆北流至昌樂歷城西合流至壽光縣界入于海

沽河 有二大沽河源發登州府黃縣蹲犬山小沽河源發萊州府東南馬鞍山大沽南流小沽東南流至平度州乃合至膠州卽墨縣入海

上卷

五

墨水 源發平度州墨山南流至卽墨縣界入

海

淄水 源出泰安州萊蕪縣原山北流逕臨淄至壽光縣時繩之水注之

繩水源出臨淄縣西申池北流入時水時水

在臨淄縣西南二十五里

又東北入于海

灤河 源發宣府城西一百二十里炭山水井
亂泉合爲此河北流逕古恒州南下流入開平
東南流逕遷安縣界至盧龍縣漆河西南流來
注之。○宣府今宣化縣恒州今定州曲陽縣

漆河源自口北入桃林口南流至迂安縣東
北七十里爲青龍河東流逕永平府城西門
外爲漆河入于灤

上卷

十六

灤河又南至樂亭縣入于海

白河 上流自宣府城東北三百里雲州獨石
東南流逕古北口至密雲縣西黃花鎮川河西
來注之

黃花鎮川河源自塞外流入黃花鎮逕昌平
至懷柔縣入于白河

白河又東南逕順義縣東潮河東來注之

潮河在密雲縣東南下流至順義縣入于白

河

白河逕通州至武清縣東南爲直沽下流會衛河爲丁字沽入于海

衛河 一名御河漢名爲屯氏河源出河南衛輝府輝縣西北七里蘇門山東流逕衛輝府城北一里又東流淇水西北來注之

上卷

七

淇水源出彰德府林縣西大號山流逕淇縣西北三十里合清水清水源出輝縣西南七十里山陽鎮東南流逕獲嘉縣界又東南至淇縣界注于淇水淇又東流入衛

衛水又東流過大名府濬縣內黃界漳水入焉衛水又東北入東昌府館陶縣西二里至臨清江水即會通河北流入之過東昌府武城縣界入濟

南府境逕德州城西北過河間府界去景州城東二十里歷故城吳橋東光縣境下至滄州西流逕興濟縣入青縣界合滹沱河衛河又東北過靜海至武清與桑乾河合又東北入于海

漳河 其源有二一名濁漳出山西潞州長子縣西五十里發鳩山東北流逕潞州城西南二十里過襄垣黎城二縣自林縣西北入彰德府

上卷

六

境一名清漳出平定州樂平縣西南二十里少山西南流過和順之西北四十里石堠嶺下流逕遼州東七十里又西南入潞州黎城縣界自涉縣西入彰德府境二漳俱東至林縣合流至彰德府爲漳河逕臨漳入廣平府境歷城安廣平肥鄉曲周入于衛河

滹沱河 源出山西繁峙縣東北三十里泰戲

山歷代州崞縣忻州定襄五臺孟縣北入真定府平山縣界逕靈壽縣至真定府城南逕晉州過保定府境東鹿縣南三十里達于深州至阜城縣沙水入焉

沙河在沙河縣治南逕廣平府城五十里下達鷄澤縣界洛河入之洛河源出遼州大行山至武安縣柏林里伏流至洛遠里復出東

上卷

九

逕廣平府城北三十五里至鷄澤縣界入于沙河沙河又逕鉅鹿隆平二縣至寧晉縣匯爲大陸澤過冀州境西北三十五里至武邑縣北界三十里爲夾河逕阜城縣西北爲葫蘆河卽衡漳之別名也入于滹沱河

滹沱河歷河間府獻縣城南易水注之至交河縣與高河合爲交河至青縣入于衛

易水 源出易州閭鄉西山東過涿州南又東過安州城北與保定府境沙河合焉

沙河源發山西繁峙縣白波頭口流逕定州新樂縣界至祈州唐河北來注之唐河源自大同府靈邱縣南逕飛狐口倒馬關過唐縣東西南至祈州入于沙河沙河又逕祁州城西南二十里至博野縣滋河來注之滋河源

上卷

二十

出山西放回山逕行唐縣張茂村伏流不見至真定府界南孟社復出東南流逕無極深澤二縣過祈州城西南三十里入于沙河沙河又東入于易水

易水又東至雄縣南爲瓦濟河溫義河來注之溫義河源發易州城西五迴嶺逕蒲縣北十里名大丹河至清苑縣北十五里名徐河逕

安肅縣西一十里至新安縣南八里與曹河
合曹河出安肅縣南三十里入于徐河徐河
合曹河曰温義河又南與長流河合至雄縣
南入瓦濟河

至保定縣爲滋河過河間府逕任邱縣西十六
里至獻縣五里舖入于滹沱河

桑乾河 源出大名府馬邑縣西北十里洪濤

上卷

三

山下與金龍池水合東流過渾源州北逕宣府
保安州新城西南四十里洋河東南流來注之

洋河源出境外逕宣府城南五里東流逕保

安州城西南十五里又東南入于桑乾河

又東入宛平縣境爲盧溝河至看丹口分爲二
派其一東流出通州高麗莊入白河其一南流
逕國安至武清縣小直沽河入于衛河

淮水 源發河南南陽府唐縣東南一百八十里桐柏山其支岡有水潛流三十里東出大復山又東逕汝寧府確山縣信陽州息縣至新蔡縣南汝水從西北來入之入潁上界至壽州西北潁水入之又東淝水入之

淝水出宿州龍山湖東流至懷遠縣入淮

至懷遠縣渦水入之

上卷

三

渦水自黃河東流逕蒙城縣沿懷遠縣東北入于淮

淮水又至鳳陽府北境濠水入之

濠水有二源東源出鳳陽府舊城南六十里鐘乳山西源出府南八十里鑛鄒山至昇高橋合流逕府舊城西南有不絕水謂之濠梁又東南逕新河口入淮

又東池水入之

池河自廬州府界流入歷定遠縣南一百四十里北流入于淮

又東北入泗州至清河口泗水入之又東邳溝南入焉

邳溝自大江至楊子鎮南爲伊婁河又自大江由儀徵縣南爲獅子河東北流逕揚州城

上卷

三

東南北通射陽湖爲邳溝入淮

淮水又東潞廻淮安府城北五里又東沐水入之過安東縣東入于海

汝水 源出河南府汝州天息山東流過郟縣南又東南渙水合沙河入之

渙水源出南陽府魯山縣西堯山流至葉縣入沙河沙河源出桐柏山東北流合三里河

入于汝水

過襄城縣又東南過郟城縣北又東南入汝寧府境逕汝陽上蔡又東南逕新蔡東流入于淮
潁水 有三源左源出登封縣東二十五里陽乾山中源出嵩縣少室山右源出少室南溪流入鈞州界又東南過許州又東南過臨潁扶溝二縣又東洧水東流注之

上卷

三十四

洧水源出密縣東至新鄭縣會溱水爲雙泊河至西華縣入潁溱水源出密縣

又東過西華縣北又南過太和縣北又東南過潁上縣北又東南入于淮

泗水 源發山東兗州府泗水縣東五十里陪尾山四泉並發故以爲名循泗水縣北八里始合爲一西經曲阜縣貫府城下至濟寧州分流

南北北流謂之北清河南流謂之南清河北清河亦名會通河在濟寧州南自濟寧分水關至東昌府臨清間凡四百餘里自濟寧則引泗洸及徂徠諸山谷水注之至沙灣則引黃河支流自金龍口者合之自兗州府陽穀縣入東昌府境至府城東南北達臨清入于衛河南清河南流過沛縣至徐州城東北汴水從西來注之循

上卷

五

城東南至邳州境沂水從東來注之

沂水源發山東青州府沂水縣西北一百九里雕厓山南流逕縣南二里至沂州朐水入之朐水源發大崖阜東南流逕沂州郯城縣入邳州界合沂水沂水西流過下邳城西西南入于泗

泗水又南至宿遷縣濰水入焉

濰水有二一在陳留縣東北四十里東逕睢
州達寧陵縣一在夏邑縣南二十里逕永城
縣合沙白水過宿州城二十里逕靈璧縣北
入徐州境城南二十里東流逕睢寧縣界又
東北至宿遷縣入泗水

泗水又南至濟河縣西北三汊河口分爲大小
二濟河南達于淮